

猶龍傳序

敬五

司馬子長唱始作史書而帝紀世家列傳叙前古聖哲之云為燦然若當年目擊故班固而下皆以為則馬聘聖降世之迹雖預其列大率簡約學者莫能究始末愚不揆淺陋紬繹內外書而廣之庶其詳也然涉世之外其間不能無耳目不相接之論蓋著于傳記無敢畧之且不以辭害意者其是之謂歟老氏姓李諱耳字伯陽謚曰聃當商十八王陽甲之十七年歲在庚申其母晝寢夢太陽化流珠入口因吞而有娠凡八十一年極太陽九九之數母氏因遺還于李下由左腋而生既生皓首而能言指李曰此吾姓也一云父姓李名靈飛母尹氏名益壽即商二十二王武丁之九年歲在庚辰二月十五日卯時生于楚國苦縣厲鄉一作曲仁里渦水之陰至紂王時居岐山之陽西伯命為守藏史武王克商詔為柱下史至昭王二十五年癸丑歲五月乘青牛薄耆車徐甲為御而去周因度函谷關關令尹喜善天文知有聖人之來乃齋

戒迎伺至七月十二日老君至授道德二經約千日後會蜀郡青羊肆而俱適流沙至幽王時却還諸夏故孔子適周而問禮後於渦水故居乘白鹿登檜而昇天或曰老萊子或曰太史儋或曰百有六十餘歲以其修道而

養壽也或曰受學於容成問道於常樅士恭切說文樅葉柘身也古本文子世莫知其然不而作樅字讀俗作樅非是謂之隱君子也其子名宗仕魏為將軍有功封於段干宗之子注注之子官宮之遠孫假假仕漢孝文帝假之子解解為膠西王中太

傳因家于齊夫有天地則有道術道術之士自書契之作而至今世世有之且老氏本亦人靈蓋得道之大者也所以能通神達見而為道主故萬靈所奉三界所歸至若九丹八石玉醮金液存真守元思神歷藏行炁鍊形

消災辟惡治鬼性絕殺變化役使魑魅皆老氏常所經歷救世之術非至者惟其虛無恬淡寂寞無為清靜簡易動與道合故在周歷年之多而名位不遷者蓋欲和光同塵而不自異故著書稱吾言甚易知甚易行天

下莫能知莫能行以其當世之士鄙純素尚奇變所以世與道交相喪也而不知聖人起於無始稟於自然現真身而啓師資歷劫運而造天地至于登位統典靈篇撰仙國傳實

為帝師示降生皆聖人恢鴻妙本匠成一切遠夫涉世則有宗緒之鴻源歷官之華也人之辭祭去周青牛命駕東離觀西度函關以吉祥草而試徐生以上下篇而授尹喜復昇紫府宿約青羊西入流沙化于獮俗却還諸夏屢接宣尼在孝文時號河上公在孝

成時授于吉太平經在東漢時授輔漢天師經錄嘉禾中葛孝先居天台山而獲神科秘典至後魏道士寇謙之繼有所受焉有唐推真鴻源尊為聖祖聖宋有天下至真宗命駕朝謁所謂無始者子太極孫三才族萬物者道也聖人以道為身故無乎不在推五太之先則為無始遠夫以三炁氤氳流乎混沌則為元炁之祖也稟自然者前起於無始後見於真身自然然而不知其所以然故謂之日然聖人體道之自然則有所稟由混元之泮

而論之生者性也有賢愚焉有壽夭焉合其體則自然離其用則非自然也見真身者妙本無形至真非像結氣凝形強為之容靈寶經云上無復祖唯道為身道之身即真身也降此則為法身所謂法身具足微妙三界特尊故九聖九真九仙位業昇降由茲始也啓師資者聖人運茲與感模物振人故立于教教既立矣而師資之法行焉經曰為學日益為道日損始於學而日益則有所得也終於道而日損則有所忘也不得以為學不○忘不足以造道故聖人遺其學相而無大迷要妙之異則貴愛兩忘師資雙泯也歷劫運者三界九地有成壞之期自種人四天至三清大羅不干陽九百六之災而七拂石芥城之數所以三竟慈尊四天種人劫運終而無終諸聖盡而無盡也遠天地者太上降真元始之三炁而成三十六天三十六地每天立一天帝每地立一地皇以司百靈以御萬有救苦經云天上三十六地下三十六謂此也登位統者天地無為也而成功歸焉聖人無

為也而位業成焉三界十方既廣且大非統之有宗會之有元則亂矣易曰卑高以陳貴賤位矣世之以貴賤知其卑高以黜陟明其昇降而聖人則不然若天之自高地之自厚無不覆也無不載也典靈篇者太上道君以大洞真經智慧消魔經神虎寶章以金簡玉書命老君典領以付上學之士也撰仙圖者凡二十四階上清大洞登真上法慈尊以洞陽之炁化生此圖按而修之能自致三部八景二十四神之現也傳寶鑑者開闢之初天○專命天真皇人裁雲作篆字方一文八角垂芒為天書之始也聖人欲詮妙本故著之以為經錄符圖所以有三洞四輔凡三十六部為大教之樞紐也為帝師者在伏羲時號鬱華子神農時號大成子祝融時號廣壽子黃帝時號廣成子顓帝時號赤精子帝學待號錄圖子帝堯時號務成子帝舜時號君臣子夏禹時號真行子商王時號錫則子皆以經術授帝俾行化于世降生者以商第十八王陽甲十七年庚申歲託孕於玄妙玉女九十

十一年誕于毫之苦縣即武丁九年庚辰歲二月十五日也明宗緒者靈飛之先起於顓帝之後至靈飛凡數十世靈飛娶天水尹氏尹氏即玄妙玉女也為柱史者聖人隱聖同凡潛龍卑秩以示臣子之道也去周者聖人委質以同塵涉世以伸道所以進非于時退非匿迹豈窮通得喪之所係哉試徐甲者孔子曰如有所譽必有所試聖人雖自擊而道存猶且試之又况徐甲乎故仙道有二十五試以財色為先而徐甲試之以色則有所不○適也試關今者以其道緣深重故有斯遇所以凡試之皆過也次授經者蓋試之過則其行實其心堅聖人格量中有主焉故以上下經而授之庶傳洪大道也青羊肆者太上與尹真宿約之所于日之期一時之遇竹籟稽首命從雲駕而後化八十一胡王九十六種外道者流沙異俗聲教不聞狸面狼心惟知殺戮其次或男或女若人非人斷髮蘭須鳥衣跣足作種種魔事以亂其土太上乃命尹真攝以正法也孔子問禮者孔子問老氏之

1010 A 01

言而起猶龍之歎然以聖問聖豈不玄同蓋聖人專道之大為起教之端也號河上公者考文時應跡河濱洎授微言復昇雲漢授太平經者考成時北海人于吉於琅琊遇太上授之至後漢順帝時琅琊人官崇詣闕投進其表云臣親受於于吉言言親受于太上凡一百七十卷也度漢天師者天師留侯之後本大儒士抑于祿之志修出世之法乃於維岳遇神人授以丹訣遂往西蜀修鍊太上降駕為說南北二斗經授二十四階法錄已而戒五瘟八部六天故氣化地作鹹泉又建齋醮之法久之於雲臺化白日登真葛仙公者修行於天台山又降授以六齋之法道士寇謙之隱于嵩岳亦降授以經籙及太平真君之號具以聞太武帝遂改太延為太平真君之年者為此耳大唐聖祖者自神堯御曆之初示現自稱帝祖至僖宗朝每降迹皆載之國史也本朝真宗具法駕詣景亳朝謁以旌欽崇之意

猶龍傳卷之一

起無始

左街都監黃善教門等崇德宮具師寶善廟編

渾淪之未判神靈之未植而為冥妙之本者道也所謂道莫窮其根本莫測其津涯而有

大聖人稟之而生于其間故謂之無始者即太上也太上生乎無始起乎無因為萬道之先元炁之祖蓋無光無象無色無聲無宗無緒杳杳冥冥其中有精其精真彌綸無外故稱大道焉夫道自然之妙本也於微妙之中而生空洞者真一也真一者不有不無也從此一炁而上上三炁三合成德共生無上也自無上而生中三炁三合成德共生真老也自真老而生下三炁三合成德共生太上也自太上而生前三炁三合成德共生老君也自老君化成後三炁三炁又化生真妙玉女自玉女稟三炁混沌凝結變化五色玄黃大如彈丸流入玄妙口中吞之有身凡八十年乃從左腋而生生而白首故號老子老子即老君也乃大道之身元炁之祖天地之

根也失大道微妙出於自然生於無生先於無先挺於空洞陶育乾坤號曰無上變化無常不可得名故曰吾生於無形之先起乎太初之前長乎太始之端行乎太素之元浮游幽虛出入杳冥觀混沌之未判清濁之未分三景之未光萬物之未形獨能寓惚恍之庭游曠浪之野卓然獨立大而無配視之不見聽之不聞搏之不得所謂混元由茲而始矣

稟自然

老君乃元氣之真造化自然自然者道也強為之容即老君也以虛無為道自然為性莫能使之然莫能使之不然亦不知其所以然不知其所以不然故曰自然而然也至若乘地為輿操天為蓋馳騫擴蕩翱翔八表不比其大也窮幽極微至纖無際析毫剖釐至小無內不足言其細也八音交奏五聲迭和烈風迅雷海潮變鼓不足言其聲也玄黃煥爛丹青煥絕焜煌燁燁綺靡華麗不足言其色也光耀熠燁神明恍惚風行電逝震霆流矢不足言其疾也結根九地沉嶠八海水凝